

余  
山

山

集

翁山集卷之十

皖桐方 文爾止著

壻繡水王 槩安節較

黃州王澤弘吳廬定

五言排律

贈青陽何寤明

寤明有雙柑園其母死于亂寤明哀之而相生芝人以爲瑞 甲申

客居雖在寺雲臥乃無菴薄俸分僧粥寒燈共佛龕

僧擁書藏島嶼搖筆起烟嵐陋巷時迴轍良朋快盍簪

新詩齊趙嘏奇字服桓譚瘦骨貧非病狂歌樂且耽一

朝聞叛卒萬馬渡江南老母依鄉井經時闕旨甘倉皇

奔絕澗慘烈墜深潭拋骨憑誰拾呼天痛不堪荒園餘

半畝嘉樹挺雙柑灑淚凝成碧抽絲若似蠶那能酬罔

極長此奉優曇古岳華開九新芝秀吐三

園在九華山下 豈非

哀所致卽謂瑞何慙予欲收佳詠他年作美談

左子厚書室落成贈此

丙戌

九原不可作闕舍與祠隣季子服其訓諸孫宗所親稱

詩求麗雅挾草步清真

忠毅公舊有清真草

帷火無虛夜書聲豈

輟晨蓬蒿長閉戶藜藿自安貧大被容兒臥幽窗厭客  
頻狂歌偏好我玄悟每超人况乃逢離亂相將學隱淪  
故山餘洲島荒徑長松筠樵牧猶思漢衣冠帝秦且  
同田舍叟共作草茅臣黽勉崇先德棲遲敬此身遙知  
靈爽在不羨錦衣新

寄懷邢孟貞

丁亥

孟夏訪君邑君先去秣陵故園求近狀芳訊得良朋館  
俸百金積隣田十畝增凶年飢可免肥壤穀長登石臼

堪終隱蒲輪豈望徵出門聊自遣荷鋪本難勝况復麟  
兒異將來驥足騰誦聲喧草舍烟水挂魚簪滄海容高  
蹈詩歌擅絕能雖居觀察署只似苦吟僧墨汁金盤露  
淵心玉井冰世人希鑒別唯我幼師承舊好堅膠漆新  
裁奉準繩名山傳必永雅道許同稱所惜老將至其書  
布未曾亟謀梨棗事歲月莫因仍

廣陵飲龔孝升太嘗寓齋

戊子

霜風吹古寺一夜雪平階有客不能寐登樓多所懷故  
人張綺席嘉召悉吾儕况以山爲壽是日孝升初度應知酒似  
淮安仁年正少絡秀隱能偕柳色黃金佩蘭香白玉釵  
江南盛泉石塞北遠風霾泛宅雷峯畔揚舲邢水涯懽  
娛惟嘯咏放浪脫形骸枯樹寒鴉集沿江戰馬排明朝

歸未得還許過高齋

太湖壽李漑林明府百韻

辛卯

瑞日迎長至仁君撫壯圖山城疑畏壘興誦比康衢父  
老迎階舞兒童塞巷呼如崩爭以祝降嶽信非諛有客  
寄茲土蒙恩與衆俱膚言那敢獻善禱合先驅仙種蟠  
根大清芬奕葉敷歲蕤天府國密邇帝王都皇考膺榮  
祿名家本碩儒功名留劍舄銘戒在盤盂和氏連城璧  
隋侯月明珠挺生非偶爾內美實紛吾材是干霄竹文  
成出水芙蓉方思噉賈策不待棄終繻適與興朝會旋將  
善價沽蜚英翔輦轂筮仕得山隅下邑遭羣盜原田失  
上腴闔閭惟瓦礫阡陌悉榛蕪芳草空題鳩愁聲但囀  
蛄君來勤撫字民始荷昭蘓簞簞露身先啟茅茨手自誅

飯疏常不飽酌水更何需豈弟由天性溫良協聖模心  
誠求保赤務急請蠲租周察纔回喘漂流漸返逋遺黎  
欣有托慈母竟忘劬儉德昭魚釜仁風被雉雛嗚如逢  
夏蔭網不犯秋荼旣起轍中鮒兼推屋上烏我方諮稼  
穡隣復嘯萑苻威用風雷合恩同雨露濡黃巾胥感悟  
青甸免憂虞賣劍還驅犢承筐弗攘瑜相教安隴畝慎  
勿負徵輪考績三年最論才一代殊中牟無以過單父  
孰能逾尤善文章士先操聖哲符審音侔季札辨色勝  
離婁南國升諸彥西方懷彼姝秋河澄水鏡鐵網取珊  
瑚品隲皆元凱甄收盡顧廚野人初入楚蹇足適過湖  
一見性情愜重遊氣誼孚香塵沾蝶翅花蘂上蜂鬚知  
有神明契難將禮法拘布衣頻入座醇酒輒傾壺問字

驚淵海稱詩愧小巫夜談天拂曙晝語日將晡天地風  
沙晦米霜草木枯薄材甘自棄知己獨長吁徐子嘗懸  
榻姬公必吐哺舉盃浮綠蟻解橐贈青蚨遺母懷雙橘  
畱賓剝束芻欲歸仍繾綣臨別幾踟躕忽憶年來事韶  
光日已徂世途多枳棘何處有枌榆明月飛三匝深山  
想一區願言依召杜於此聚生徒虎拙猶能繡龍希莫  
漫屠青瑣元故物白社本潛夫假館城南曲橫經舍北  
隅義堪窮練馬疑可釋冰狐授業鄉名鄭藏機谷號愚  
樹蘭畦繚繞穿竹路盤紆釣罷溪烟冷樵歸澗月孤所  
居峯巖業弗邁鬼揶揄底事憎多口無端辱厚誣雄鳩  
言佻巧貝錦色模糊積毀愁銷骨微瑕懼掩瑜幸君能  
察識諒我不睢盱此意真夔絕終身可刻膚豈惟今世

少只恐古人無踪跡巢枝鳥年華過隙駒銜恩空抱影  
酬德未捐軀頃者逢初度居人慶大醑未能羞累爵何  
以壽懸弧淑氣萌葭管台星燦斗樞享年當萬億奏課  
在須臾行矣新驄馬歸哉舊鳥鳬驥蹄終躡景鵬翼必  
搏扶內殿含香侍中朝疎劍趨觸邪承密勿持法定計  
謨統馭王綱肅端揆帝命俞普天霑化雨庶類仰洪鑪  
盛德高彌下貧交久不渝雲霄勞寤寐丘壑念崎嶇砥  
志長餐蕨徵車敢望蒲冥心隨鹿豕僻地遠豺獴級冕  
知無分風騷祇自娛曹王相激發陶謝不枝梧繆賞前  
曾受弘標後更須困龍資尺水矯雁借微蘆一字當華  
袞千秋匪濫竽但教延令譽曷敢怨窮途預訂他年約  
應嗤野老迂寸衷猶未竭百韻豈能鋪



夏霧山房訪左子兼作

甲午

訪君期六月我復去司空夢寐時相近山川路不通纔  
歸白露後便往碧溪中知有故人在行將令弟同千峯  
何窈窕萬壑更玲瓏古剎僧畱飯秋田農獻功門堆禾  
黍實陂夾芰荷叢舊屋三間小新詩百首工見予來甚  
喜畱客意偏隆旋倒牀頭甕爭披林下風烹鮮倩鄰父  
打栗促兒童桑柘影初沒雲巒話未終過橋愁冥冥割  
席恨匆匆直待重陽節還尋夏霧冲

戲贈左子直納妾詩

用二十藥名

今夜天仙子當歸白玉堂銀屏列雲母錦幔綴流黃重  
疊合歡被綢繡沈水香華燈照粉面明月弄珠光竹葉  
杯中酒松花額上妝含嬌尚紅蕊結實定青箱馬齒休

嫌老蜂窠一任狂天門竟蕩蕩地芊水汪汪似鳳連翹  
足非猿續斷腸只愁萱草嫩無計避淫羊

芊音戶  
卽地黃

贈閻百詩續娶詩

丙申

彼美淮南士誰如大小閻家庭良可樂作述况能兼之  
子年方少耽書性更潛腹如經笥飽才比劍鋒銛錦字  
隨時綴琉璃華信手拈皆能中律呂從未覺柔纖以此予  
相洽頻過爾不嫌漫求鷗鷺侶重叶鳳皇占舊恨拋炊  
臼新懽且織縑春山臨寶鏡晴雪映珠簾野老來應慣  
高齋坐必淹飲仍當合卺詩不會香奩所願維熊早含  
飴慰爾嚴

金陵畱別從兄繡山計部

丁酉

自君釋褐後雲水各西東間有連枝會那能大被同今

金山集  
年來白下一月臥齋中書卷時相對壺觴夜不空微涼  
庭樹綠絕艷海榴紅楚簾能消暑吳歛且課童因之披  
樂府將以奏熏風商羽聲聲細陰陽字字工不嫌疑義  
析况有偃師通余亦忝詞客聞茲愜素衷懽情纔欸欸  
別緒又匆匆失侶悲梁燕長征逐塞鴻餘生是孤竹曷  
敢怨飄蓬折柳當重午新蒲判幾叢歸期猶未定惆悵  
意何窮

揚州石塔寺宿介立禪師房

是古木蘭院曾爲王播棲孟空鐘後飯紗護壁間題

唐王

播有木蘭院詩卽在此

老我重遊此高人得與稽禪林容偃仰佛

閣任攀躋香供餐餐飽新詩首首批炎天難以去涼夜  
必相携露坐當星漢烹泉取澗溪閒論三世事轉覺寸

心懷明日之河朔中秋到薊西冤親不平等笑我太癡  
迷

七言排律

秋日歸里飲潘蜀藻茅堂談香山詩甚快有贈并  
示從弟井公

癸巳

野老攻詩二十年詩中警句亦流傳貪看酷嗜無如爾  
短諷長吟不論篇自是性情真契合豈因朋好故周旋  
往時刻畫杜工部近日沈酣白樂天異地何曾相告語  
同心不覺自鑽研君才通敏摹多似我筆粗疎恨未全  
別去乾坤誰解此歸來閭里特懽然乍窺草舍三間小  
重覩芳詞七字妍欲展客懷須命酒忙分母饌已烹鮮  
客非陶侃客堪比母較茅容母更賢況有方干爲妹婿

也借潘岳共畱連今宵偶聚黃花下古調高歌翠竹邊  
長慶風光俱在眼香山胎骨本來仙三人詠歎知非苟  
百遍過從期莫愆只恐浮踪猶未定明朝又泛五湖船

長女錄予詩成帙因題十韻

吾女生來靈異姿垂髫卽誦老夫詩數行一日覽俱下  
百首經年記不遺匪獨性根元有種其中義蘊頗能窺  
自于歸後應忘却乃抱孫時亦咏之每向龔山求副本  
昨從皖水寄新詞使歸與壻抄謄讀壻亦因妻感化奇  
夢寐思親兼悼弟棗書付女豈殊兒蔡文姬慧非吾願  
班大姑賢是汝師汝子類吾皆可教吾詩非汝亦當垂  
他年漫想甥如舅有舅如甥已自怡

龔山集卷之十一

皖桐方 文爾止著

黃州王澤弘吳廬定

堦繡水王 槩安節較

五言絕句

春日卽事 丁亥

橋東挂酒帘橋西焚紙錢生離與死別都在綠楊邊

姑孰有和尚港蘄陽有道士泐王元美先生以爲

絕對紀以詩予往來姑孰舊矣今過蘄陽亦有

作 戊子

和尚名不著道士姓不傳惟畱一片石長峙大江邊

竹醉日湯仍三種竹於庭戲贈四絕 巳丑

種竹元宜雨茲辰晴不妨醉中離故國醒已在他鄉

竹亦有時醉霑濡何況人只宜沆瀣露不似火燒春  
一年剛一醉諒不至沈冥影立西窗外為君座右銘  
南枝須勿誤故土必多留只此數竿活明年滿院秋

題寺壁画蕉

庚寅

金粉俱零落如何墨未銷可憐舒卷意長日對僧寮  
贈宛陵僧

海畔杯來遠江皋錫去孤敬亭山色好此處結茅無

品魚四十首

水族惟魚極多予所得食者不過二

美惡有上中下三品遂定其位次而系以詩至  
鱸蛤之類非魚族而與魚同產故又集外品以  
續之若夫丙穴江瑤之名雖素聞于耳而未嘗  
于口故不敢載姑俟異日考証焉 辛卯

上品

鯢

即河豚其體圓而腹似猪故名

莫妙西施乳癡人不敢食東坡有格言河豚一死直

鱸

盧黑魚也此魚白質黑章故名

張翰江東思千古真名賞可惜一方出沾潤苦不廣

鮓

此魚出于初夏餘月則無故名

銀鱗不耐烹蒸用筍與荻自非江東人那得家家吃

鮓

鮓即石首魚腦中有二石子每歲四月從海上來綿亘數里其聲若雷漁人以淡水酒之即取軟免音同故名

市人薦以冰旬月尚不腐想其出水時冲淡復何許

魮

此魚似魮腹中有硬刺勸人故名吳人蒸蝦子拌之作蝦魮無蝦者即勸魮

養以石首佳勸魚味更妙下酒不須多方寸遂居要

鱸

即黃魚太肥而不善游有連連之象故名

玉版浸金膏允爲盤中最吾郡四時有饌餘還作膾



鮪

即鱈魚其形延長而有餘故名

月令薦王鮪鬼神亦歆之至今皖江鮪嘉名四方馳

鮒

即鮓魚冬月藏泥中大小以類相附故名

諸魚動屬火惟爾靜屬土治疾有多方恒食豈小補

魴

即鰻魚其形方而扁故名

詩人比齊姜所貴出河洛槎頭縮項鮪是處美相若

鰱

即鯪魚其性好旅行故名

魴鰾美在腹厥美尤在首首大如瓜者鮮食不容口

中品

鮫

即沙魚其皮似沙可作刀鞘腹下有翅長數寸曝乾以貨四方

翅若黃金絲肥者厚如掌庖人薦彘肩味不下白鯊

鯊

即刀鯊魚其形如刀故名

暮春海上來風味迥然別江陰烘子鱗冲淡尤可悅

鮓 此魚細色而多子故名

厥子皆凝脂糟醬為至美獺能辨諸魚食此必有以

鱈 即白魚其色白頭尾俱向上故名

肥潔雅可烹糟食味尤妙當年曾入舟月下今猶跳

鯖 即青魚狀似鯪而背青色南方多以作魚生  
古人所謂五侯鯖即此

五侯不可作鱠縷至今傳枕骨如琥珀仍以製杯棬

鰕 音桂俗音薊其體不能屈伸如僵蹶也

彷彿松江鱸風味少不及劉憑嗜食之仙人知有益

鰕 即銀魚細如銀條也

白小羣分命鮮新可作羹致遠須曝乾浸潤還如生

鰻 此魚有雄無雌嘗以影漫于鱧魚其子皆附  
鱧鬣而生故謂之鰻鱧即鱧

脂膏易饜人况能療痔瘻久食殺勞蟲不見金山女

鮓鮓即鮓魚狀似鮓而小雖適口能發癰疾故可危也

柔滑無鱗鬚平人嗜食之口腹恣飽啖發疾非所知

鯉此魚三十六鱗皆有文理故名

鯉為諸魚長謂其能飛變品味在中下大者糟食善

下品

鱮即鮓頭此魚之庸常供饌食者故名

精華在一首烹鮮可伴鱮除此不足食飽之售村墅

鱮魚似鱮赤眼其性好獨行尊而力者故名

獨力能破網所畏惟九罟苟非赤目異與鱮幾莫識

鮠音患即鮠魚其性舒緩故名

池塘畜易繁在水惟食草羹臠殊無味南人用作羹

鰥即鰻魚有雄無雌俟諸魚欲產鰥以頭銜其腹仍尿白以蓋其子故名

詩人咏魴鰥何以得並稱今作魴與九籩豆亦可登

鰾即烏魚其首有七星夜朝北斗言有禮也

狀與蝮蛇同道家所厭忌除夕煮浴兒稀豆頗爲貴

魴即鮎魚其額平夷其涎粘滑故名

有齒復有胃無腮復無鱗性寒而味薄多食能害人

鰻俗作鱖其形細長而蹣緩故名

鰻能逐風邪多食動風氣白點蛇所化殺人亦可畏

鰾即比目魚一云鞋底魚鰾猶屨也故名

東方有比目二體合始行此意良可憐胡爲定遭烹

鰾即海鵠魚一名即陽其圓如車輪故名

肉翅全如鵠能飛上石頭厥尾有大毒食之懷隱憂

金山集

鰓即鳥賊魚自浮水上鳥鳥見以爲死而啄之即卷取入水故名其脂即海鰓鮑

吐墨以自衛翻爲人所漁厥骨治諸病功載軒轅書

外品

螳螂

霜後黃膏滿花前白酒香况能除內熱縱啖十餘匡

蛤蜊

盛饌悉肥濃此味獨清絕宿醒苟未解一啜如冰雪

海蛭

即淡菜

精力衰少人早晚最宜食其形雖不雅食之大補益

海蛇

即海蜃蜃蛇音訛也

水母蠢然物運動由羣蝦割食當園蔬下酒味亦佳

石蚶

即海參

蠕蠕石上蟲其狀亦何惡煮食類鱉裙允宜作羹臠

蛭

音噴

海畔種蛭田甘鮮味可啜曝乾貨四方尚能逐邪熱

蚶

堅者瓦壘子大者盈數寸小者如芡實糟藏味亦勝

蜆

卽土鐵

扁蛤性苦寒生食非所宜南人醢作醬佐酒惟一厄

鼈

少食能滋陰多食反寒中去醜載禮經忌與猪鬣同

蝦

蝦菜本鮮潔惟宜作羹湯性熱能動火多食恐非良

題畫四首

壬辰

桃花春水渡楊柳美人樓何處客狂客烟波一葉舟  
陰壑收涼雨晴峰卷暮雲幽人正無賴把酒送斜曛  
疎樹不遮山斜陽透寒碧野曠無行人溪橋獨歸客  
茅屋閉空林孤舟載風雪蕩槳不知寒千峰吐奇絕

夜坐

殘暑不成眠一夜長數起山深月色高坐看松陰徙

鸞溪

我思廬山賢陶公與周子虎溪復鸞溪千年流不止

空山閣

峩峩鶴鳴峰其上一茆宇好我惟老僧繩牀對揮麈

除夕歸思

冉冉歲將除歸帆滿天末此時樓中人望斷江烟濶

阻風謠 癸巳

上水愁南風下水愁北風一生才命蹇無處不途窮  
英雄才絕世亦似濟川舟時危風不利只得坐沙頭

正月三日抵縱川 甲午

前日雪中去今日雪中歸渾身俱是雪不認舊時衣  
陶母老猶健鴻妻貧亦甘只是衡茅下蕭條太不堪

彭城古蹟十二詠 丁酉

彭祖井 在北門內昔人有彭祖觀井圖

州以錢鏐著相傳觀井圖若年猶畏死無乃太癡愚

孔觀樓 在呂梁子在川上日逝者如斯夫卽此處

江河爭入海晝夜無停時此理誰能會惟應尼父知

挂劍臺 在城南一里卽吳季札挂劍處



季子賢公子徐君亦賢君所以三尺劍不挂諸侯墳

桓山

在城東北十七里宋司馬作石都于此

三年成一都司馬愚且勞白骨今何在秋山處處蒿

子房山

在城東二里

海邊大索日潛匿此山中使其一擊中豈復臣沛公

亞父塚

在城南一里

此老苟不死重瞳豈遽亡後人高其義塚比黃茅岡

劉向墓

在城西北二里

更生雖儒術所重惟節義厥子匪不文葬處人莫記

龔勝墓

在城東南三里

新蔡移漢祚舉世罕臣節龔生義獨全古墓今爲烈

戲馬臺

在城南一里

宋公起彭城誅伐符高祖九日讌茲臺風流亦千古

燕子樓

在城西門內張建封故宅

樓居十二年風節自青史無端白舍人一詩迫之死

黃樓

卽東門城樓蘇子瞻以土堊之厭河水

河決城幾陷非公孰能禦後世守土者請頌黃樓賦

放鶴亭

在城南二里雲龍山張山人故居

山人有高致實藉太守賢微彼賢太守後世誰能傳

龔山集卷之十二

皖桐方 文爾止著

壻繡水王 槩安節較

黃州王澤弘吳廬定

七言絕句

雲間別邢孟貞 戊寅

江樹東連海岸香  
思君千里一相望  
如何又逐秋風去  
白草黃花總斷腸

楊龍友廣文齋中畱別朱宗遠

爲爾千巖萬壑秋  
歸人十日此淹畱  
西風臨發江門棹

猶向玄亭飲未休

宗遠爲予寫千巖萬壑圖十日乃成

七夕爲朱觀以悼亡

烏啼衰柳白門烟  
暮雨瀟瀟送客船  
此夜不知荀奉倩

滿懷冰雪爲誰憐

江上西風木葉寒素琴零落不勝彈黃姑織女猶相見  
獨使羈人掩淚看

水鏡園漫興

庚辰

春池一夜雨潺潺萬木重陰滿院斑獨立小橋看水漲  
白鷗何事綠波間

贈漁者

白鷺洲頭別有津偶然逢著捕魚人問他名字居何處  
是我城西舊比隣

春愁

高樓微雨作春寒病起三盃強自寬酒醒微風香暗度  
不知何處有幽蘭

過吳氏舊園

公子西園昔所誇，秋風今已屬誰家。  
上公朝松石無人問，落盡池塘白藕花。

許石疏園畱別歌者

辛巳

密樹重陰覆草堂，清歌一曲夜雲涼。  
可憐明日河橋別，白袷秋衣粉黛香。

送蔡大美携妾歸里用梅朗三舊韻

霜水揚舲破曉空，錦衾人起夜啼紅。  
莫愁南野無樛木，縞帶新吹葛藟風。

送劉長倩歸蜀

壬午

王孫歸路指臨邛，家在巫山第幾峰。  
惆悵相逢又相別，開元寺裏一聲鐘。

送梅朗三東游

送君出郭向江村馬在橋邊僕在門  
朋好不期先後至  
畱連樽酒到黃昏

雨夜宿吳聖水池閣有贈

池塘風雨助春寒  
草閣鳴琴且共懽  
曲罷捲簾看夜色  
不知新月上闌干  
皓齒朱顏春可憐  
宵深被酒更芳妍  
低帷不許吹銀燭  
戲引餘光到枕邊

無題

宛水桡遲二月餘  
客窗半與爾同居  
不知雲雨爲何事  
只似良朋共讀書

維揚舟中喜遇姜弢穎李萊馭汪霏玉飲

邗關風雨晝蕭蕭獨坐篷窗悶寂寥  
恰喜鄰舟逢舊侶  
且沽淮酒過浮橋

卽事 癸未

漢武雄才迥出塵經營四海未全貧  
可憐河間中山貴  
不及當年衛霍親

從兄浣嬰令昌化又攝臨安將遷餘杭賦此贈之  
紫谿春水百花開盡是吾兄  
今後栽昨日武林橋上過  
吏人皆惹衆香來

龍潭千頃似明湖嘉樹奇芬永不枯  
聞說許由居尚在  
至今猶有逸人無  
鳴琴訟閣水潺潺便攝隣封亦自閒  
借問富春天日勝  
何如淮水八公山

遙聞新命授繇拳三邑絃歌斷復連我欲移家爲避寇  
他時不慮買山錢

寒食舟中雜咏

客裏春光總未知愁心如草草如絲尋常小節猶添恨  
況是清明寒食時

不到吳門十二年虎丘山月冷晴烟今朝重向城邊過  
回首當時意惘然

紛紛縞帶與綦巾盡是村中展墓人有客停舟雙淚落  
寸腸淒絕爲亡親

越水吳山千里餘豚兒頻寄數行書書中字義無多少  
只道金陵不可居

故人分俸贈南金勸我移家向武林勝友如雲良足樂



况兼兵火不驚心

偕盛林玉張介人陳元錫過訪陳翼仲山莊

爲訪靈泉到古庵泉源尺五少人撰一星松火權消受  
酒冽茶香飯亦甘

手把僧鋤斬竹孫白盤初供妙香存人間藿食都如此  
但願長齋不茹葷

老僧戒律最精嚴盛暑袈裟食不嫌未捧鉢盂先施食  
紛紛鳥雀下茅簷

過水草菴

黃元功先生遇害處

丙戌

汨汨河流聲向東聞君此地化長虹山僧指點行刑處  
落日寒原望不窮

八月十八日錢塘觀潮

臨安風俗重觀潮，士女喧闐江上橋。  
江岸祇今唯牧馬，圉人廐卒亦蕭條。

錢塘七日無潮信，白下傳言恐未真。  
東海田橫猶有客，海神何事不如人。

一水平分路幾何，經年塞馬不能過。  
婺州雖破朱張死，此意寥寥亦足多。

朱未孩張玉筍兩公同死金華之難

東壩行

丁亥

一帆春水到胥河，楊柳千條夾岸多。  
流水不關人世事，往來舟楫自烟波。

京口卽事

骭髀乾坤剩此身，曾將彩筆撼星辰。  
于今東海揚塵日，來作江湖賣卜人。

日出開簾午下簾  
路人爭道有奇占  
不論杖底錢千百  
多少惟應付酒帘

冬日

欲雪不雪天色昏  
朔風怒號江沙奔  
敝裘獨擁寒侵骨  
買酒無錢空閉門

山行

路遶西峰石磴斜  
竹籬深處有人家  
門前一樹寒梅古  
未見東風已著花

七夕 戊子

秋河如練月如鈞  
天上雙星澹欲流  
隣女尚陳瓜果會  
人間巧盡復何求

過黃州

長江如帶水盈盈多少英雄此戰爭陣馬風檣俱已矣  
雪堂零落尚知名

白頭舟子是知津問彼山川語却真嘉魚黃岡兩赤壁  
老坡猶誤況他人

舟人自潯陽回奉報稿師

岐亭船送九江還爲寄音書八里灣麻城地名江上平安無  
險阻不妨飛錫渡雲山

過彭澤

小孤山畔彈丸城獨擅長江萬里名滄海不知經幾變  
春風五柳尚含情

馬當

年少才高王子安片帆千里上江灘天吳亦愛文章好

何事時人白眼看

中秋

江南秋色已平分  
底事排空雁未聞  
到處風塵如塞北  
三年不用往來勤

夜半

夜半神清好構思  
每於秋夜必爲詩  
紙窗竹屋蕭條甚  
况復斜風細雨時  
一夜無眠數首成  
山妻勸我少經營  
試聽窗外芭蕉雨  
不是平聲便仄聲

客路

霜風刮面冷如水  
身著重棉且不勝  
憐爾執鞭從我者  
布衣才得兩三層

江上吟

下水一帆如一鷗上水一篙如九牛南風漸止北風發  
牛亦能飛鷗不浮

春晴偕束茹吉廣文郊行

巳丑

年年不少看花興今歲看花興獨無祇向荒溪送流水  
此身孤外此舟孤  
紛紛遊女踏春沙笑指紅林是妾家只許桃花笑人耳  
路人誰敢笑桃花

送濁師遊苑

年年夢想敬亭雲舊友存亡久不聞君去陵陽山頂望  
白楊衰草幾人墳

題徐翁小像

庚寅

家在蒲東俠少場  
翩翩裘馬意飛揚  
如今白髮游江左  
竹笠芒鞋道者裝

送徐翁游越

南來欲上剡溪船  
北去仍耕隴坂田  
却笑秦皇求大藥  
不如徐福是真仙

題畫寄馬倩若

解組歸來好讀書  
萬山黃葉正冬初  
閒騎欵段過隣舍  
銅柱珠崖恐不如

咏並蒂蘭戲贈蔡芹溪

不知蔡四年來興  
且看窗前並蒂蘭  
小婦紅顏差比得  
老奴白髮並應難

三月晦前一日江樓贈妓

詩集  
桃花雨後桃花水燕子樓中燕子飛今夜祇應畱客醉  
明朝無奈送春歸

梅崑白齋頭看秋海棠

芍藥開時我未來來時正值海棠開秋花更比春花好  
莫惜當筵酒一盃

江上望九華山雪

雪後江南見九峰九峰皆作玉芙蓉何年始踐山僧約  
掃雪烹茶過一冬

舟中聞鵲

三春二月子規鳴一夜千聲與萬聲江上同聽多少客  
誰人能解子規情

周善承園中咏竹



數畝琅玕粉籜新一杯畱客坐青旻慙予不及王郎興  
看竹還須待主人

過蔡義微故居傷之

自是乾坤一腐儒著書直欲擬陰符山城破後遺文失  
借問中郎女亦無

書法詩篇皆可觀當時同邑等閒看如今文獻凋零盡  
始覺斯人博雅難

曾挾奇謀叫紫宸自矜終賈更無倫豈知屠狗椎牛者  
翻害犁庭掃穴人

蔡少年伏闕上書後死于寇故云

東北城隅一小山人猶指是柴關千竿紫竹今何在

惆悵黃茅白蒿間

蔡舊有柴關紫竹甚多

咏章明卿山中瀑布

今年長夏苦炎蒸想到幽巖恨未能勸爾林中作亭子  
明年六月我重登

六聲猿

昔徐文長作四聲猿借禪術諸君之口以泄其胸中不平真千古絕唱矣予欲倣其

義作六聲猿蓋取宋末遺臣六事演爲雜劇詞曲易工但音律未諧既作復止先記以詩俟他日遇知音者始填詞焉

謝侍郎建陽賣卜

骯髒乾坤八尺軀且將卜肆溷屠沽當時猶解欽風節  
今日程劉輩亦無

程文海劉夢炎也

家叅政河間談經

平生志業在春秋說與諸生涕泗流吳楚風詩猶不采  
那堪戎索遍神州

唐玉潛冬青記骨

鳳巢龍穴不成棲  
玉匣珠襦踏作泥  
唯有年年寒食節  
冬青樹下杜鵑啼

鄭所南鐵函藏書

吳門春草綠參差  
枯井藏書那得知  
三百餘年書始出  
中原又似畫蘭時

王炎午生祭文相

文相精忠泣鬼神  
當年猶有見疑人  
可知盡節惟應死  
才說權宜便不真

謝臯羽勸哭西臺

嚴子灘頭風雪飄  
生芻一束薊門遙  
傷心豈獨悲柴市  
萬古崖山恨不銷

病鶴

壬辰

自是徐卿月下身何當鍛羽躋青旻也知臂血能醫爾  
只恐今無三世人

蟾子湖

蟾子湖邊欲雪天歸人策蹇犯寒烟遙知小婦羅幃上  
亦有雙雙蟾子懸

夢吳錦雯

秋夜何爲頻夢君二年詩句不相聞世間酷好五言詩者  
除却杓司卽錦雯

上廬山絕頂

從來履險足凌兢捫葛攀蘿恐未能到此不知身轉健  
前身合是此山僧

題陶靖節先生小像

誰畫淵明采菊圖  
柴桑橋畔獨躊躇  
廬山百藥般般有  
只是傷心劉寄奴

脩江行

癸巳

楊柳津邊楊柳花  
春風春水櫓咿啞  
晚來細雨衣裳濕  
若箇行人不憶家

江行十咏

左蠡山

左蠡山前險不同  
幾番過此遇狂風  
停舟一謁龍王廟  
聖祖題詩在廟中

分風浦

宮亭廟舊有神明  
能使分風送客行  
今日廟荒神亦去  
分風浦在不知名

崑山集

卷十二 七言絕

十

蝦蟆石

大孤塘上蝦蟆石獨立長風巨浪間堪笑舟人避此諱  
問渠只喚狗頭山

撫州人相罵蝦蟆

女兒港

嶽客心隨江鳥飛無端風雨妒人歸今宵又宿女兒港  
何日才過太子磯

石鐘山

怪石驚濤江水濱老坡遊後更無人畫師偏愛嚙巖色  
絕似倪黃斧劈皴

彭郎磯

大小孤爲大小姑山祠果有女神無長年二老誇多識  
爭說彭郎是妹夫

馬當山

馬當山至滕王閣六六江程一信風不是天吳愛文字  
任他才藻爲誰雄

磨盤洲

章江春水勢悠悠底事前軍此逗畱痛恨當時肉食者  
不爭南國守南州

大雷岸

鮑生游宦適匡廬此地曾傳寄妹書寂寂荒洲誰復問  
有人懷古獨躊躇

長風沙

白門女子面如花直欲迎夫到此沙念我歸人無百里  
風波不渡重興嗟

孫子穀宅嘗新有感

憔悴江湖托鉢人今年才食故園新山田磽确收禾晚  
又復嘗新在比隣

代內答

家計蕭條吾不怨良人飄蕩實堪嗟一年十二回明月  
十一回明不在家

修水

修水曾游花未殘游人重到雪漫漫光陰最是無情物  
纔覺春風又歲寒

雪舟

大雪壓舟舟不勝時時拂掃已成冰三重阿閣猶嫌冷  
何況簷條僅一層



舟小惟憑一簑篷任他密霰與狂風曉來篷上雪三尺  
方悟埋身雪窖中  
雪風吹面最辛酸擁褐微吟強自寬不是生來松柏性  
誰人耐得此嚴寒

梳頭漫作

甲午

醒卽吟哦醉卽眠詩中神聖酒中仙梳頭莫訝銀絲出  
已過潘安十一年

安仁三十二見二毛  
今予四十三始見

護節菴

西城頻出無他事護節菴中好看山况是老僧能愛客  
烹茶獻果不曾慳

茅花

江上蘆花秋可憐山中夏日景依然茅花亦似蘆花白

四月渾如八月天

田間夜坐

野夫憂旱不成眠中夜頻頻起看天忽見浮雲遮北斗  
定知微雨潤東田

僧話

愛此琉璃佛面光與僧閒坐竹間房紛紛辨駁無他語  
爭道茶芽某處香

咏友人杖

廬岳茶芽歲歲生茶條百歲始能成砍來作杖堅於竹  
絕壑層巒任意行

題山僧補衲圖

年老心閒腹不飢霜天捫虱對晴輝莫將舊衲添新線

新線仍非壞色衣

羅溪道中

山雨朝來已漫漫  
溪流深處忽平臍  
沙邊久立無船渡  
赤脚騎驢過水西

章明卿山房遇雨

野外三旬無雨澤  
山中間日有滂沱  
故人家在青崖麓  
轉放溪流入大河

寥峯

寥峰秀出白雲堆  
恰似芙蓉朶未開  
驢背垂鞭幾回首  
問誰曾上此峰來

題画寄劉十二爾仁

龍眠山下往來頻  
萬壑千峰意未申  
歸去臥游何不可

送君一幅李公麟

有客画報恩寺塔者索予題之

白下城南路屈盤浮屠高出五雲端河山非復當時舊  
烟樹愁從画裏看

題汪大年小像

十載漂零瘴海涯容顏未改髻初華問君可是徐鴻客  
又見楊花變李花

孫豹人寓中贈妓霞標

雲行巫峽偏生妙霞起天台分外鮮當時若不逢孫宋  
雖有雲霞那得傳

贈歌者宛鶯

野性羞同雞鶩居霜天偏喜傍樵漁雪衣皎潔應相似

只恐淒音驚不如

潛山道中 乙未

數間茅屋倚高岡一樹梅花出短牆有客下驢偷眼看徘徊不覺至斜陽

舒王臺

志云王介甫玩月于此因得名

茲臺千古峙城東玩月何私拘相公借問傅巖亭在否

逢迎莫是李師中

師中素與安石忤及安石爲相師中爲舒州守乃建傅巖亭于舒以媚之

舒王臺恐亦師中所命耶

山谷寺

黃公本是西江秀鄙渚廬峰豈不多却占此山爲別號

亦如蘇老號東坡

東坡在黃州治之東

汪紫照山房戲贈

桃花潭水訪汪倫萬壑千峰百畝春人有此巢堪白首  
君何不隱尚紅塵

石壁寺懷從子子建

子建有莊在焉

數畝山田十里溪阿咸此處有幽棲如何轉作熙城客  
空谷無聲猿鳥啼  
長松偃蹇勢如虬怪石彭亨狀似牛松石之間作亭子  
他年吾與爾來游

題硯板

弓有韞兮矢有韃况于嘉石受丹鉛從今削木爲方蓋  
不使纖塵入硯田

沙河

百里山城一日還何爲五日尚間關沙河水漲没人乳

欲渡其如老馬羸

挂車河

三國英雄到此多奇兵皆出挂車河如今山澗無人物  
祇有漁樵解唱歌

過朱司農公墓

漢朝陵墓有誰存丞相通侯不足論惟有嗇夫塋尚在  
年年父老薦雞豚

悶

橋東賣酒兩三家只取青錢不肯賒唐人見以見錢爲青錢愧我囊  
無阿堵物動人愁有石榴花

賦得魚戲新荷動

魚戲田田荷葉東陂池十里衆香同紅蕖自颺非關雨

翠蓋頻翻不是風

魚戲田田荷葉西芙蓉菡萏不沾泥葉心珠露圓仍破  
水面紅妝亂復齊

魚戲田田荷葉南金鱗兩兩又三三任教作隊游香國  
不怕垂綸到碧潭

魚戲田田荷葉北素鱗花魴非一色尾掠茄根撥刺鳴  
口迎花片煦喁食

魚戲田田荷葉間虛疑蓮女盪舟還驚起鴛鴦不成睡  
雙雙飛去白蘋灣

三王問

司馬曾官計部郎九原何以見先皇先皇相見憑他說  
只是無言對潞王



御史中丞撫浙江九原何以見弘光弘光相見憑他說  
只是無言對惠王  
方伯賢兄姓字香九原何以見鍾陽鍾陽相見憑他說  
只是無言對汝王

秋雨

秋夜頻聞雨過溪晚禾才見水盈畦農夫相謂不勝喜  
昨日一鉏今一犁

戲贈賣藥者

客舍老翁何太癡自誇仙藥染霜髭世間黑白天然好  
何必鸕鷀勝鷺鷥

題友人墨竹

無實無花是此君高人鍾愛意何殷祇緣苦節天生直

風韻蕭疎更不羣

一枝烟雨出毫端  
挂在書窗夏也寒  
借問湖州文與可  
胸中成竹幾多竿

此韻

此韻相隨二十年  
何曾一日離吾前  
如今爛熟不須看  
汝亦蕤蕤覺可憐

催租

卜居深巷似山村  
偏有人來秋樹根  
酒債詩逋全未了  
如何租吏又敲門

左夏子書堂有牧羊圖索予題之

左生壁間挂此圖  
一見使我長嗟吁  
今人豈但無此事  
肯挂此圖人亦無

飢寒一日耐不得蘇武如何十九年應笑此翁太癡絕  
李陵衛律是豪賢

五言古體由君始四首皆於出塞時海上年年多雁足  
何爲不寄一行詩

詩人酒人予所愛也然惡步韻與熱飲者口占刺  
之

醇醪冷飲有三益步韻從來無好詩況是炎天呼熱酒  
與他步韻一般癡

題李生小像

摩詰前身是畫師輞川圖更妙于詩龍眠丘壑重歸汝  
夙慧將無李伯時

送范小范歸漳湖

山城何幸美人來  
一日三家共酒杯  
爭奈病軀難久坐  
畧嘗茗粥却空迴  
肩輿卅里到沙頭  
月白潮平好放舟  
臨出東門更惆悵  
龍眠在眼不曾游

穀賤

頻年苦旱今年稔  
百事支分盡在田  
豈料秋成農更苦  
一擔新穀糶三錢

偕張水蒼李杞瞻飲寇白門齋頭有贈

我別秦淮十二霜  
六朝金粉不聞香  
舊人猶有白門在  
燈下相逢欲斷腸  
一到南中便問君  
知君避俗遠塵氛  
此番不見幽人去  
慚愧秋江與暮雲

張生圖晤甚艱難此夕相期分外懽只當論詩良友宅  
不應槩作女郎看

孝陵棉

金陵市上有賣木棉者大書孝陵衛棉四字于門予見而悲之因成一絕

眼中久不見此字但見此山空嘆嗟舊日王侯多第宅  
只今誰似賣棉家

題錢孚公小像

褐衣蔬食未全貧山水逍遙自在身上界神仙求不得  
輸君平地作仙人

題露筋祠碑上

丙申

斷臂妻猶傳姓名露筋女不記平生往來多少馮長樂  
試使看碑作底情

壽朱翁

隆萬遺民世漸稀敬君如覩漢官威不知南極星何意  
偏照淮陽老布衣

湖嘴漫興

湖嘴在淮安新城外友人多家于此

久客長淮莫怨嗟尚餘詩酒作生涯狂吟痛飲之何處  
不是閤家卽范家

眷西堂不惱人過幽草軒能召客多最是難忘可憐夜  
紅兒歌罷雪兒歌

闕有眷西堂范有幽草軒紅雪二妓名

孫無言廣陵移居王于一孫豹人邀予過訪指壁

間九韻各賦詩三首贈之

兩歲之間三卜居一童以外再無餘鄰家不省誰來住  
夜夜惟聞人讀書

梅妻鶴子昔曾聞紙帳藤牀又見君吟苦不妨頭似雪

酒酣那羨女如雲

是客來遊淮海間有詩皆送爾還山如何不舍邢溝去  
轉向春江送客還

又用前韻述懷三首

我亦飄零無定居田園都是劫灰餘誰家肯借梁鴻廡  
與爾同搜李泌書

蕪城車馬日相聞僻巷何人訊隱君但有漁樵通姓字  
紛紛冠蓋等浮雲

作客何爲戀此間祇緣良友與佳山三人若得長相聚  
便住揚州老不還

池口阻風

湖上青山尖似螺江中白浪大如鷺榜人停櫂向予說

四月魚苗風正多

四月北風謂之魚苗風

金陵喜遇雪田上人

一鉢飄然去海南  
蠻方頂禮作瞿曇  
重歸故國緣何事  
欲向鍾山結草菴

舊友相逢江上村  
終宵勸我入空門  
逃禪須待十年後  
說與如來亦斷冤

贈扶漢鼎山人

運移漢祚鼎難扶  
江上逢君不忍呼  
水鏡但存司馬在  
南陽還有臥龍無

魑顏曷鼻老風塵  
四十三年富貴身  
此語祇應調蔡澤  
魯連不是帝秦人

畱別宗兄聖羽學博



世間官是廣文貧又有分甘苜蓿人總爲平生雞黍重  
不然肝胆向誰親

邢溝來去兩三番倒屣傾筐每盡懽送我北征還損俸  
一錢應當百錢看

臨別殷勤復致詞到京少飲少吟詩詩中忌諱防人見  
酒後牢騷不自知

老友關情自可憐此身漂泊聽于天回頭却望揚州月  
冷署微官亦是仙

題梵伊上人像

上人能詩善飲

遠公過午脣不沾尚能沽酒待陶潛何如彌勒同龕坐  
米汁醍醐一樣甜

予北征日張虞山趙天醉闔百詩枉送至清江浦

因訪談長益不遇宿其僧舍次日而長益來各  
賦詩七首

我去淮陰暑未消故人相送至河橋  
二千里路不爲遠  
三十里亭纔是遙

渡頭且莫問行船暫借僧房一夕眠  
淮水東流正愁絕  
黃河北岸更悽然

關內茅菴談叟棲予將籠卷就君題  
豈知烟櫂偏相左  
手挽垂楊落日低

張君新以四愁名終日吟哦有嘆聲  
况是別離情更苦  
雖無愁者亦愁生

阿咸初自下邳還岐路相逢喜動顏  
一北一南渾浪迹  
且沽村酒慰閒關

從子公敏自北來遇于河上

南方最苦蚊蚋膚一到清江半個無只此游人宜向北  
塵沙霜雪勿嗟吁

明日東風權欲開談翁追送出城來河干佇立同三子  
帆影微茫尚不廻

### 宿遷

白洋河北一孤城聞說重瞳此地生我欲停舟詢往事  
斜陽衰草不勝情

### 將近徐州

大河西風十日連小舟上水如上天榜人忽報彭城近  
望見雲龍山爽然

### 贈妓墨仙

彭城懷古悵悠悠不見當年燕子樓只有長堤一枝柳

引人懽笑破人愁

昨夜河南邀賞月今朝河北又看花頻頻來往誰爲主  
吳萬陳張段五家

從吳用九乞炭

前日移尊旅舍中香爐只有一星紅許分楮拙添茶竈  
不翅琅玕滿竹籠

李康侯水部索題其嘯園詩

君子堂

梭山自古鄭公鄉又有高人闢此堂階下草猶似書帶  
泥中婢亦解詩章

喬木軒

何以知君世澤遙請看門外樹千霄黍離麥秀偏多感

只有霜皮永不凋

海巖樓

萬里蓬萊水上山  
秦人何苦費躋攀  
朝來捲幔樓頭坐  
圓嶠方壺只尺間

來霞閣

阿閣三重木末平  
餘霞一片日邊明  
居人疑在天台路  
青石橋邊望赤城

愛蓮亭

長夏偏宜菡萏風  
醉眠人起立亭中  
此身安得如游鯉  
蓮葉西邊蓮葉東

花關

楊柳枝間羣鳥啼  
櫻桃花下曲欄低  
雨餘水長渾無涇

只恐漁郎到亦逃